

կենդրոնական գիւղերում, որ գիւղացոց բերքերը նա արտահանէր և ձեռնտու պայմաններով վաճառէր նշանաւոր քաղաքների շուկաներում, իսկ իրենց գիւղացոց անհրաժեշտ պէտքերը ինքը հոգար՝ տալով նրանց արժան գնով: Հինգերորդ՝ հիմնել գիւղերում հասարակական շտեմարաններ և երկրի բոլոր բերքերից որոշ տոկոս յետաձգել այդ ամբարների մէջ: Ապա անբերրիութեան առտեն վաճառել ամբարուած բերքերը և այդ վա-

---

շահեկան յօդուածներով մի առ մի ցոյց է տալիս, թէ ինչպէս և ինչպիսի եղանակով կարելի է կազմակերպել «սպառող» և «արտաժող» ընկերութիւններ մեր Հայ գիւղերում: Հաստատ փաստերով նա ապացուցանում է, որ այդպիսի օգտակար ընկերութիւնները մեծ բարեփոխութիւն և անագին յեղաշրջումն առաջ կբերեն մեր գիւղական թմրած և յետ մնացած Հայ ժողովրդի մէջ: Նա խորհուրդ է տալիս գիւղի հասկացող երիտասարդներին, որ ժողովրդի գլուխ անցնեն և սկսեն գործել: Բայց տողերիս գրողը գիւղացու զաւակ լինելով, նա շատ լաւ ծանօթ է թէ գիւղացու դառըն վշտերի ու անհուն ցաւերի և թէ ամեն մի օգտակար գործ սկսելիս՝ խոչընդոտ եղող և արգելք հանդիսացող «Ծառուր Բիսմարկներին խափանիչ գոլ ծողութեանց հետ: Ուստի համարձակոււմ եմ ասել, որ «Օգտակար կազմակերպութիւններ» սկսել մեր Հայ գիւղերում, տեղական անպատասխան և անձեռնմխ մարդկանց ձեռքով, կնշանակէ տուն շինել աւաղի վրայ: Իմ համեստ կարծիքով, այդպիսի «Օգտակար կազմակերպութիւններ» ձեռնարկելու համար գործը յաջող և հաստատ հիմքերի վրայ դրուած կլինի միայն այն առեւն, երբոր ձեռնարկողները և վերահսկողները կլինին զրօքից եկած բանիմաց, բարեխիղճ, բարեբաւոյ, խելքի, մաքի և տպաւորող լեզուի տէր և բուն եռանդով գործող մարդիկ: